



Deutschnofen - In dumënia ai 02 de furà él gnü tignì la pröma gara de „Südtirolcup 2014/15“ a Deutschnofen sön la pista „Pfösl Riep“. Chësta competiziun ess bel messü gnì tignida ai 4 de jenà mo por impraticabilité dla pista à chësta messü gnì sburlada.

La seria positiva de resultač va inant por l atleč da La Val. Ai atleč ti gareta 3 pröms plazamënc.

Diego Tschaffert, campion dl'ultima ediziun dl Südtirolcup ne se fej nia sciampè dant. Al defënn bun le titul y pò saltè sön le scalin plö alt de podest cun le tēmp de 0'59.61 a pié dô la medaia d'or, l'unich atlet che ti la fata in chësc dé restè sot i 60 secuné!.Al secundo post rōia Manfred Gräber da S. Laurēnz y al terzo post se posizionēia Dominik Kienzner da Ratschings.

Pro la categoria dles ëres ne tularà la campionëssa da l'ann passé Daniela Erlacher nia pert te chësta sajun a gauja di stüdi. Insciö é le post por le titul lēde por na nōia atleta, tla prōma gara



fej insciö Theresa Hilpold da Porsenù le miù tēmp (1'01.53). L'atleta Manuela Rubatscher fej ince le miù tēmp te sōa categoria (1'04.10) y pò insciö mostrè sō n ater buniscimo plazamēnt do i resultač pro les "Raika- Jugendrennen": le pröm post sön munt de suc y le secundo post a Funes.

Novité y gran sorpresa de chësta sajun é le duo Tschaffert Diego y Moling Manuel. N ater prüm plazamēnt da mustrè sō! Bel dan 2 edemes ai campionač talians à le duo arjunt le secundo plazamēnt. Cun le tēmp de 1'03.48 surpassa i ghesć ladins i dui fredesc Lambacher y fej insciö le pröm post!

La squadra da La Val arjunj le terzo post pro la tlassifica por soma de tēmps.

N gran fin dl'edema indo por la seziun dla lüsa che pò mostrè sō de vigni sort de bugn plazamēnc.

La proscima competiziun por le Südtirolcup vëgn tignida ai 7 de furà a Ulten y ai 8 de furà vegn tignida la terza gara dla "Raika - Jugendrennen" a Valdaora.

I atri resultač y plazamënc di atleč da La Val ciafen chilò: [risultati](#)

Por deplö informaziuns, por ci che reverda resultač, novitês y le program dla lüsa pon vijité la plata internet sot a chësc linch: <http://www.sportrodel.it/>





Foto: [Dropbox](#)

